

Sarkina Bt Mat Saad @ Shaari

From: Unit Komunikasi Korporat
Sent: Wednesday, July 4, 2018 1:51 PM
To: UUM - All Staff; UUM - All Students
Subject: Kuasai Pengetahuan Dalam Perniagaan Dan Pengurusan Pupuk Pembangunan Negara



Unit Komunikasi Korporat
CORPORATE COMMUNICATION UNIT
Universiti Utara Malaysia

4 JULAI 2018 / 20 SYAWAL 1439H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Muhammad Shamsul Shafie

KUASAI PENGETAHUAN DALAM PERNIAGAAN DAN PENGURUSAN PUPUK PEMBANGUNAN NEGARA



UUM ONLINE: Kuala Lumpur - "Kita perlu memiliki pengetahuan dalam perniagaan dan pengurusan adalah penting dalam memupuk pembangunan sebuah negara," kata Pengerusi Lembaga Universiti Utara Malaysia, Tan Sri Siti Sa'diah Sheikh Bakir.

Beliau berkata demikian ketika merasmikan Persidangan Antarabangsa Pengurusan Perniagaan Islam (IBMC) anjuran Pusat Pengajian Perniagaan Islam (IBS) Universiti Utara Malaysia (UUM), pagi tadi yang turut dihadiri Naib Canselor, Prof Dato' Seri Dr Mohamed Mustafa Ishak.

Menurutnya, sudah menjadi kewajipan kepada setiap Muslim khususnya untuk menuntut ilmu dan kewajipan itu perlu diteruskan sepanjang kehidupan seseorang.

Katanya, di UUM, menguasai pengetahuan dalam perniagaan dan pengurusan adalah matlamat penubuhan UUM yang menekankan pembangunan dan menghasilkan pakar dalam bidang berkaitan pengurusan.

“Sinergi ilmu dan proses pemindahan pengetahuan akan membolehkan pemahaman yang lebih mendalam dalam dunia perniagaan dan pengurusan.

“Adalah menjadi harapan saya supaya persidangan ini dapat menawarkan peluang kepada institusi pengajian tinggi dan industri untuk berkongsi idea dan meneruskan jalinan strategik bagi mencapai pembangunan mapan negara,” katanya.

Tambah beliau, sebagai contoh, institusi perbankan Islam juga boleh menjemput ahli akademik untuk berkongsi pengetahuan dan kepakaran mereka sebagai Penasihat Syariah atau Ahli Lembaga Pengarah mereka dengan adanya sesi perkongsian ilmu dan perbincangan yang memberi manfaat kepada kedua pihak.

Lebih 100 peserta dari dalam dan luar negara dihipunkan pada IBMC 2018 yang berlangsung selama dua hari mulai hari ini di Hotel Intercontinental.

Persidangan kali kedua yang mendapat kerjasama Permodalan Nasional Berhad (PNB) itu menjadi platform kepada pembentang terdiri ahli akademik dan industri dengan lebih 50 kertas kerja persidangan berkaitan perbankan dan kewangan Islam, muamalat, perniagaan Islam, ekonomi Islam, pengurusan halal, zakat, wakaf dan isu kontemporari berkaitan.

Sementara itu, Dekan IBS, Prof Dr Asmadi Mohamed Naim berkata, relevan persidangan tersebut adalah peserta dan pembentang dapat memahami tentang isu kontemporari dalam perbankan dan kewangan Islam khususnya.

Menurutnya, IBMC menjadi medan untuk bertukar fikiran dan saling bekerjasama dalam membina negara bangsa, selain berkongsi ilmu dan kajian masing-masing.

Pada persidangan hari pertama itu dimulakan dengan pertukaran Memorandum Persefahaman (MoU) antara UUM dengan Akademi Penyelidikan Syariah Antarabangsa dalam Kewangan Islam (ISRA) dan Persatuan Takaful Malaysia.

Kemudian, diikuti uaputama oleh Pengerusi Bersama Majlis Industri Kewangan Islam, Dewan Perniagaan Amerika-Malaysia, Dato' Noripah Kamso dengan tajuk 'Impact Investing: Merging Profit and Purpose for Global Sustainability'.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
04-928 3048/3049/3052/3061
04-928 3053
ukkuum@uum.edu.my
Universiti Utara Malaysia (Official FB)





Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.